

Band IX., Nr. 3469, Seite 39-40

Albrecht Pfaffenhofen verzichtet mit seinem Bruder Heinrich auf alles Recht an das Gut zu Binzwangen, das die Äbtissin und der Konvent von Heiligkreuztal von Walther von Ingstetten gekauft haben.

Ebingen, 1285. September 21.

Allen dien, die disen brief lesent oder hörent lesen, künde und vergihe ich Albrecht, dem man spricht Phaffenhoven, daz ich und Hainrich min brüder, haigen uns verzigen und williklichen uf gegeben in der erberon und der redelicher vröwen hant . . . der ebtischen und der samenunge von Hailich Cruzes Tal aller der ansprache und dez rechtes, so wir soltin oder möchtin han nach dekainer slachte rechte an dem güte und uf dem güte, ez si lúzel oder vil, daz die selben vröwen dú ebtischen und dú samenunge von dez Hailic Crúzes Tal köften und hant gekúfet umbe Walther von Incstettin und sin sun Walther, daz da ze Biswangen lit, wan mir Albrechte die vor genanden vröwen dú ebtischin und dú samenunge dar umbe gaben drú phunt Haller. Und daz daz war si und iemer ane wanc stete belibe, dar umbe geben wir disen offen brief besigelt mit dem wachsaichen mines insigels und dez schulthaizen Albrechtes der stat von Ebingen, und beschach daz in der stat ze Ebingen, in dem ersten herbestmanode an sant Matheus tage, do von gottis geburt waren túsent zwaihundert achzic und funf jar, und waren daran brüder Burchart der phister und brüder Hainrich der smit von dez Hailigen Crúzes Tal und Gótfrit von Tieringen und Albrecht der schulthaize von Ebingen und Berchtolt von Honstettin¹ sin brüder und Cûnrat Salche und Eberhart von Mestettin und Úlrich Rinderschenkel und Albrecht der Koch und Hainrich der Waibel und Cûnrat Stürmeli und Ebeli der Mazze und ander biderbe lúte gnúge, die ih alle dar uber ze gezúge gibe, si sin min gnoze oder niht. Ich Albrecht der schulthaize von Ebingen gibe minen insigel an disen brief, von der bette Albrechtes Phaffenhoven und Hainrich sines brüders. Ich Hainrich Phaffenhoven vergihe an diesem briefe, under Albrecht mines brüders und Albrecht des schulthaizen von Ebingen insigel, wan ich aigens insigels niht enhan, daz alles das war ist, und ich stete han, das an disem briefe geschriben stat.

Der Textabdruck folgt dem Original.

Die beiden abhangend befestigt gewesenen Siegel sind abgegangen.

¹Kreenheinstetten, Leibertingen, SIG.

Überlieferung und Publikationen

Lagerort:

HStA Stuttgart

Signatur/Titel des Originals:

B 457 U 447

Regesten:

UB Heiligkreuztal, Bd. 1, S. 27, Nr. 110.

Weitere Angaben

Sprache:

Deutsch

Ausstellungsort:

Ebingen

Ortsindex:

Binzwangen Wohnplatz (17262)

Binzwangen, Ertingen, BC

Ebingen Wohnplatz (16571)

Ebingen, Albstadt, BL

Heiligkreuztal Wohnplatz (17046)

Heiligkreuztal, Altheim, BC

Ingstetten Wohnplatz (16937)

Ingstetten, Schelklingen, UL

Kreenheinstetten Wohnplatz (21140)

Kreenheinstetten, Leibertingen, SIG

Meßstetten Wohnplatz (16454)

Meßstetten, BL

Tieringen Wohnplatz (16461)

Tieringen, Meßstetten, BL